

**Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12. februar 2004-meersoq Naalakkersuisut allangortitsinissaannik peqquneqarnissaannik Inatsisartut aalajangiiffigisassaattut siunnersuut, taamaalilluni kitaata qeqqani aammalu nunatta kujataani qilalukkanik qernertanik pisassiisoqassalluni**

(ATASSUT-ip Inatsisartuni ilaasortaataitai: Siverth K. Heilmann, Knud Kristiansen)

**Akissuteqaat**

(Aalisarnermut, Piniarnermut Nunalerinermullu Naalakkersuisoq)

**Aappassaaneerpeqarnera**

Naalakkersuisut Aalisarnermut, Piniarnermut Nunalerinermullu ataatsimiititaliap siunnersuutip kajumissuseqarlutik eqqartorlugu suliaqarsimanerannut, Naalakkersuisullu siunnersuutip siullermeerpeqarnerani inassuteqaataannik ataatsimiititap tapersiisimanerannik qujaffigerusuppaat.

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12. februar 2004-meersoq Naalakkersuisut allangortitsinissaannik peqquneqarnissaannik Inatsisartut aalajangiiffigisassaattut siunnersuut, taamaalilluni kitaata qeqqani aammalu nunatta kujataani qilalukkanik qernertanik pisassiisoqassalluni ataatsimiititaliamit peqqissaarullugu suliarineqarsimasoq Naalakkersuisut nuannaarutigalugu maluginiarpaat.

Tassunga atatillugu ataatsimiititaliap isumaliutissiissutaanut makkuningga oqaaseqaateqassaanga:

Naalakkersuisut erseqqissaatigissavaat piniakkat tamaasa eqqarsaatigalugit Naalakkersuisut politikkerimmassuk piujuartitsinissamik tunngaveqarluni siunertaqarneq qiteritinneqartuassammatt. Taamaattumik uteqqissavara, Kalaallit Nunaata Kujataani pisassiisoqassappat tamanna pisassiissutaareersulluunniit iluannit tiguneqarsinnaassammata.

Isumaliutissiisummi allaqqavoq Naalakkersuisut qilalukkat qaqortat qernertallu pillugit nalunaarummik suliaqartut. Uani oqaatigineqassaaq qilalukkat qaqortat qernertallu illersugaanerat piniagaanerallu pillugu nalunaarutip atuuttup nutarsarnera pineqarmat, tassa nalunaarusiortoqanngimmat, oqaaseq "nalunaarut" kalaallisut arlalinnik isumaqarsinnaammatt. Taamaattumik ilimagineqarpoq isumaliutissiissutip qallunaatoortaani paatsuuisoqarsimassasoq.

Nalunaarut tusarniutaareerluni Naalakkersuisunit akuersissutigineqareerpat ataatsimiititaliaq ilisimatinneqarumaarpoq.

Qulaani pineqartut tunngavigalugit Naalakkersuisut aalajangiusimavaat Atassutip siunnersuutaa akuerineqassasoq, soorlu ataatsimiititaliap isumaqatigiittup innersuussutigigaa.